

# **Nezavisna pravosudna komisija preuzima zadatak izgradnje pravosudnog sistema u BiH**

Visoki predstavnik, Wolfgang Petritsch, je uspostavio Nezavisnu pravosudnu komisiju (IJC), koja će od Programa za ocjenu pravosudnih sistema (JSAP), koji trenutno vodi UNMiBH, preuzeti zadatak provedbe programa pravosudne reforme u BiH. Mandat Programa za ocjenu pravosudnih sistema (JSAP) se završava danas a Nezavisna pravosudna komisija je uspostavljena u skladu sa obavezom koju je Vijeće za implementaciju mira postavilo u Briselu u maju ove godine.

U sastavu Nezavisne pravosudne komisije će se nalaziti pribлизно 18 medjunarodnih i 11 državnih kvalificiranih pravnika i sudija a planirano je da ista sa radom započne u decembru. Ova Komisija će raditi samostalno, ali će o svom radu izvjestavati Visokog predstavnika koji će osigurati sredstva da se ovlasti i odgovornosti Nezavisne pravosudne komisije (IJC) efikasno sprovedu.

Nezavisna pravosudna komisija (IJC) će nadgledati rad, te može vrsiti intervencije u radu, entitetskih i kantonalnih komisija koje od maja ove godine sprovode proces pravosudne provjere koji treba da traje 18 mjeseci. U okviru ovog procesa, ispituju se kvalifikacije i rad svih postojećih sudija i tuzilaca. Ove komisije su također odgovorne za izbor sudija i tuzilaca te za pokretanje disciplinskih mjera protiv istih.

Pored toga, Nezavisna pravosudna komisija (IJC) će predstavljati centralnu tacku za medjunarodnu pomoć namijenjenu inicijativama za pravosudnu reformu, pomagat će pri iznalazenju i osmisljavanju posebnih programa za razvoj nevladinih organizacija te će davati podršku domaćim organizacijama za obuku.

Nezavisna pravosudna komisija (IJC) će isto tako nastaviti sa nadgledanjem i procjenom sudova i tužilastava u skladu sa mandatom UNMiBH/JSAP. Nadalje, ova Komisija će obezbijedjivati pomoć u izradi zakona koji su neophodni za odgovarajući razvoj pravosudnih organa, cime bi se trebali skratiti dugi zastoji u sudskim postupcima u BiH, a sto je podrخano od strane UNMiBH-a i OSCE-a kao i Vijeca Evrope koje je iskazalo svoju podršku ovoj inicijativi.

Visoki predstavnik je izrazio svoju zahvalnost na predanom radu osoblju Programa za ocjenu pravosudnih sistema (JSAP) koje je u toku protekle dvije godine pružilo dragocjenu pomoć pravosudnom sistemu u BiH svojim upornim i tacnim izvjestavanjem o situaciji u pravosudnom sistemu u BiH. Upravo je JSAP sproveo temeljitu provjeru pravosudnog sistema u Kantonu 10, u kojem se pokazalo da su politički uticaj i diskriminacija u pravosudnom sistemu bili siroko rasprostranjeni. Ova provjera je dovela do smjene premijera i guvernera ovog kantona od strane Visokog predstavnika u maju ove godine te je proizvela dalekosezne promjene za sudije i tužioce tog kantona.

Jedna od ključnih osobina svakog demokratskog sistema jeste pravosudni sistem koji je istinski nezavisan od političkih uticaja i ciji je jedini zadatak pravedno sprovodjenje zakona. Nezavisna pravosudna komisija (IJC) će pomoci da se izgradi pravosudni sistem u kojem će se sudski slučajevi rjesavati bez odgadjanja koje traje mjesecima ili godinama te od strane ljudi koji su doista kvalificirani za ovaj posao. Ovaj proces izgradnje zahtijeva dosljedan, konsolidovan pristup pitanjima pravosudne reforme te unapredjenju vladavine zakona.